

四庫全書

集部

欽定四庫全書

御定全唐詩卷一百三十七

儲光羲

田家即事

蒲葉日已長杏一作花日已滋老農要看此貴不違天

荇

時迎晨起飯牛雙駕耕東菑蚯蚓土中出田鳥隨我飛
羣合亂啄噪嗷嗷如道飢我心多惻隱顧此兩傷悲撥
食與田鳥日暮空筐歸親戚更相誚我心終不移

同王十三維偶然作四首

仲夏日中時草木看欲焦田家惜工

一作功

力把鋤來東

臯顧望浮雲陰往往誤傷苗歸來悲困極兄嫂共相諒

一作飢

無錢可沽酒何以解劬勞夜深星漢明庭宇虛寥

寥高柳三五株可以獨逍遙

北山種松柏南山種蒺藜出入雖同趣所向

一作尚

各有

宜孔丘貴仁義老氏好無為我心若虛空此道

一作心

將

安施暫過伊闕間晚晚三伏時高閣入雲中芙蓉滿清

池要自非我室還望南山陞

野老本貧賤冒暑

一作雨

鋤瓜田一畦未及終樹下高枕

眠荷篠者誰子皤皤來息肩不復問鄉墟相見但依然

腹中無一物高話羲皇年落日臨層隅逍遙望晴川使

婦提蠶筐呼兒榜漁

一作魚

船悠悠泛綠水去摘浦中蓮

蓮花艷且美

一作妍

使我不能還

浮雲在虛空隨風復卷舒我心方處順動作何憂虞但
言嬰世網不復得閒居迢遞別東國超遙來西都見人

乃恭敬曾不問賢愚雖若不能言中心亦難誣故鄉滿

親戚道遠情日踈偶欲陳此意復無

一作無復

南飛鳬

草木花葉生相與命為春當非草木意信是故時人靜
念惻羣物何由知至真狂歌問夫子夫子不能陳鳳凰
飛且鳴容裔下天津清淨無言語茲焉庶可親

黃河流向東弱水流向西趨舍各有異造化安能齊妾
本邯鄲女生長在叢臺既聞容見寵復想玄為妻刻畫
尚風流幸會君招攜逶迤歌舞座婉孌芙蓉閨日月方

向除恩愛忽焉睽棄置誰復道但悲生不諧羨彼匹婦
意偕老常同棲

日暮登春山山鮮雲復輕遠近看春色踟躕新月明仙
人浮丘公對月時吹笙丹鳥飛熠熠蒼蠅亂營營羣動
汨吾真訛言傷我情安得如子晉與之遊太清

耿耿銅鞮宮遙望長數里賓客無多少出入皆珠履樸
儒亦何為辛苦讀舊史不道無家舍效他養妻子冽冽
玄冬暮衣裳無準擬偶然著道書神人養生理公卿時

見賞賜賚難具紀莫問身後事且論朝夕是

空山暮雨來衆鳥竟棲息斯須照夕陽雙雙復撫翼我
念天時好東田有稼穡浮雲蔽川原新流集溝洫裊徊
顧衡宇僮僕邀我食卧覽

一作
擁

牀頭書睡看機中織想

見明膏煎中夜起唧唧

四鄰競豐屋我獨好卑室窈窕高臺中時聞撫新瑟狂
飈動地起拔木乃非一相顧始知悲心中憂且慄蚩蚩
命子弟恨不居高秩日入賓從歸清晨冠蓋出中庭有

奇樹榮早衰復疾此道猶不知微言安可述

昇天行貽盧六健

真人居閬風時奏清商音聽者即王母泠泠和瑟瑟坐
對三花枝行隨五雲陰天長崑崙小日久蓬萊深上由
玉華宮下視首陽岑神州亦清淨要自有浮沈惻惻苦
哉行呱呱遊子吟廬山逢若士思欲化黃金雨雪沒太
山誰能無歸心逍遙在雲漢可以來相尋

田家雜興八首

春至鶻鷃鳴薄言向田野

一作野

不能自力作黽勉娶鄰

女既念生子孫方思廣田

一作園

圃閒時相顧笑喜悅好

禾黍夜夜登嘯臺南望洞庭渚百草被霜露秋山響砧杵却羨故年時中情無所取

衆人恥貧賤相與尚膏腴我情既浩蕩所樂在畋漁山澤時晦暝歸家暫閒居滿園植葵藿繞屋樹桑榆禽雀知我閒翔集依我廬所願在優游州縣莫相呼日與南山老兀然傾一壺

逍遙阡陌上遠近無相識
落日照秋山千巖同一色
網罟統深莽鷹鷂始輕翼
獵馬既如風奔獸莫敢息
駐旗滄海上犒士吳宮側
楚國有夫人性情本貞直
鮮禽徒自致終歲竟不食

田家趨隴畝當晝掩虛闌
鄰里無煙火兒童共幽閒
枯

棹懸空圃雞犬滿桑間
時來

一作須史

農事隙採藥游名山

但言所採多不念

一作言

路險艱人生如蜉蝣一往不可

攀君看西王母千載美容顏

平生

一作
貧士

養情性不復計

一作
知

憂樂去家

一作
來

行賣畚

留滯南陽郭秋至黍苗黃無人可刈獲稚子朝未飯把竿逐鳥雀忽見梁將軍乘車出宛洛意氣軼道路光輝滿墟落安知負薪者咍咍笑輕薄

楚山有高士梁國有遺老築室既相鄰向田復同道糗糒常供飯免孫每一作日更抱忘此耕耨勞媿彼風雨好

蟋蟀鳴空澤鷦鷯傷秋草日夕寒風來衣裳苦不早

梧桐蔭我門薜荔網我屋迢迢

一作
超超

兩夫婦朝出暮還宿

稼穡既自種

一作務

牛羊還自牧日旰嬾耕鋤登高望川

陸空山足禽獸墟落多喬木白馬誰家兒聯翩相馳逐

種桑百餘樹種黍三十畝衣食既有餘時時會親友夏

來菰米飯秋至菊花酒孺人喜

一作暮

逢迎稚子解趨走

日暮閒園裏團團蔭榆柳酩酊乘夜歸涼風吹戶牖清

淺望河漢低昂看北斗數甕猶未開明朝能飲否

題辨覺精舍

朝隨秋雲陰乃至青松林花閣空中遠方池巖下深竹

風亂天語溪響成龍吟試問真君子遊山非世心

題慎言法師故房

精廬不住子自有無生鄉過客知何道徘徊鴈子堂浮雲歸故嶺落月還西方日夕虛空裏時時聞異香

石甕寺

遙山起真宇西向盡花林下見宮殿小上看廊廡深苑花落池水天語聞松音君子又知我焚香期化心

題崔山人別業

南陽隱居者築室丹溪源溪冷懼秋宴室寒欣景暎山

雞鳴菌閣水霧入衡門東嶺或舒嘯北窓時討論封君

渭陽

一作川

竹逸士漢陰園何必崆峒上獨為堯所尊

行次田家澳

一作澳

梁作

田家俯長道邀我避炎氛當暑日方晝高天無片雲桑

間禾黍氣柳下牛羊羣野雀棲空屋晨昏一作風不復聞

前登澳

一作澳

梁坂極望溫泉分

一作原

逆旅方三舍西山

猶未曛

一作分

昭聖觀

主家隱溪口微路入花源數日朝青閣彩雲猶在門雙
樓夾一殿玉女侍玄元扶棟盡蟠木步欄多畫繡新松
引天籟一作闕小栢繞山樊坐弄竹陰遠行隨溪水喧石
池辨春色林獸知人言未逐鳳凰去真宮在此原

題辛道士房

全神不言命所尚道家流迨此遠南楚遂令思北遊先
生秀衡嶽玉立居玄丘門帶江山靜房隨瑤草幽逍遙

三花發罔象五雲浮自有太清紀曾垂華一作草髮憂大

年方索籥小智即蜉蝣七日赤龍至莫令余獨留

登秦嶺作時陷賊歸國

朝出猛獸林躡蹠登高峯僮僕履雲霧隨我行太空
羲和舒靈暉倏忽西極通迴首望涇渭隱隱如長虹
九達合蒼蕪五陵遙瞳矇鹿遊大明殿霧濕華清宮
網羅蟻蠊時顧此熊羆鋒失途走江漢不能有其功
氣逐招搖星魂隨閭闔風惟言宇宙清復使車書同
林木被繁

霜合沓連山紅鴈鵲勵羽翼俯視荆棘叢誓將食鵲鴉
然後歸崆峒

晦日任橋池亭

溫泉作天邑直北開新洲未有菰蒲生即聞鳬鴈遊六
亭在高岸數島居水流晦日望清波相與期泛遊西道
苦轉轂北隄疲行舟清冷水木陰纔可適我憂

望幸亭

五年一巡狩西幸過東畿周國易居守周人多怨思君

王敷惠政程作貴從時大厦非一木沈沈臨九遠慶雲
宿飛棟嘉樹羅青墀踈屏宜朝享方塘堪水嬉雲中仰
華蓋桁下望春旗天意知如此星言歸洛師

哥舒大夫頌德

天紀啓真命君生臣亦生乃知赤帝子復有蒼龍精神
武建皇極文昌開將星超超渭濱器落落山西名畫閭
入受脤一作服鑿門出扞城戎人昧正朔我有軒轅兵隴

路起豐鎬關雲隨旆旌河湟訓兵甲義勇方橫行韓魏

多銳士蹙張在幕庭大非

當作大罪

四

當作肆

決軋石堡高崢

嶸攻伐若振槁孰云非神明嘉謀即天意驟勝由師貞

枯草被西陸烈風昏太清戢戈旄頭落牧馬崑崙平賓

從儼冠蓋封山紀天聲來朝芙蓉闕鳴玉飄華纓直道

濟時憲天邦遂輕刑抗書報知己松栢亦以榮嘉命列

上第德輝照天京在車持簡墨粲粲皆詞英顧我搶榆

者莫能翔青冥遊燕非騏驥躑躅思長鳴

安宜園林獻高使君

直道已三出

一作熟

幸從江上迴新居茅茨迥起見秋雲

開十里次舟楫二橋交往來楚言滿鄰里鴈叫喧池臺
魚驚樂仁政浮沈亦至哉小山宜大隱要自望蓬萊

秋庭貽馬九

并序

扶風馬挺余之元伯也舍人諸昆知己之目挺充
鄭鄉之賦予乃貽此詩

伊昔好觀國自鄉西入秦徃復萬餘里相逢皆衆人大
君幸東嶽世哲扈時巡予亦從此去閒居清洛濱稍稍

寒木直彩彩陽華新迭宕孔文舉風流石季倫妙年一
相得白首定相親重此虛賓客歡言冬及春哲兄盛文
史出入馳高軌令德本同人深心重知己絳衣朝聖主
紗帳延才子伯淮與季江清濬各一作孤峙羣芳趨汎
愛萬物通情理而我信空虛提攜過杞梓夫君美聲德
直道期終始孰謂忽離居優游鄭東里東里近王城山
連路亦平何言相去遠閒言獨淒清萬里鴻鴈度四鄰
砧杵鳴其如久離別重以霜風驚

河中望鳥灘作貽呂四郎中

河流有深曲舟子莫能知
弭棹臨沙嶼微吟西日馳
平明春色霽兩岸好風吹
去去川途盡悠悠親友離
漢宮成羽翼伊水弄參差
為惜淮南子如何攀桂枝

秦中初霽獻給事二首

渭水收暮雨處處多新澤
宮苑傍山明雲林帶天碧
君子聳高駕英聲邈今昔
鏘佩出中臺影纓入仙掖
夙心幸清鑒晚志欣良覲
鳴盜非足徵願言同下客

南國久為思西都嘗作賓雲開天地色日照山河春善
聽在知己揚光唯達人妙年弄柔翰弱冠偶良晨擢第
文昌閣還家滄海濱寸心何所望東一作省掖有賢臣

晚次東亭獻鄭州宋使君文

自

一作身

初賓上國乃到鄒人鄉曾點與曾子俱升闕里

堂武皇恢大畧逸翮思寥廓三居清憲臺兩拜文昌閣

為道既貞

一作真

信處名猶蹇諤鐵柱勵風威錦軸含光

輝夜聞持簡立朝看伏奏歸洞門清珮響廣路玉珂飛

驤首入丹掖搏空趨太微絲綸逢聖主出入飄華組惜
惜宿帝梧侃侃居文府海內語三獨朝端謀六戶善計
在弘羊清嚴歸仲舉侍郎跨方朔中丞蔑周處天眷擇
循良惟賢降寵章分符指聊攝為政本農桑籍籍歌五
袴祁祁頌千箱隨車微雨灑逐扇清風颺既以遷列國
復茲鄰帝鄉褰帷乃仍舊坐嘯非更張居敬物無擾履
端人自康薄遊出京邑引領東南望林晚鳥雀噪田秋
稼穡黃成臯天地險廣武征戰場道喪苦兵賦時來開

井疆霏霏渠門色
曖曖制巖光
徒念京索近
猶悲溱洧
長大明潛照耀
淑慝自昭彰
昔歲幸西土
今茲歸洛陽
同焉知鄭伯
當輔我周王

秋次霸亭寄申大

橘柚植寒陵
芙蓉蒂修坂
無言不得意
得意何由展
況我行且徒
而君往猶蹇
既傷人事近
復言天道遠
薄暮入空亭
中夜不能飯
南聽鴻鴈盡
西見招搖轉
千門漢主宮
百里周王苑
杲杲初景出
油油鮮雲卷
會朝幸歲

正

一作真

校獵從新猶念君久京國雙涕如露泣無人薦

子雲太息竟誰辨

舟中別武金壇

曰子輕皎潔坦率賓混元忽乃異羣萃高歌信陵門信陵好賓客清夜開華軒月光麗池閣野氣浮林園偶坐

爛明星歸志

一作心

潜崩奔漾舟清潭裏慰我別離魂落

日下西山左右慘無言蕭條風雨散宵藹江湖昏秋荷尚幽鬱暮鳥復翩翩紙筆亦何為寫我心中冤

輦城東莊道中作

北陵散寒鳥西山照初日
婉孌晉陽京踟躕野人室
南軒草間去後乘林中
出靄靄長路暖遲遲狹路歸
蜉蝣時蔽月枳棘復傷衣
城上東風起河邊早鴈飛
夏王紀冬令殷人乃正月
涯口度新雲山陰留故雪
幸逢耆耄話餘待親隣
別總轡出叢薄歇鞍登峻隅
春源既蕩泝伏戰亦睢盱
未獲遵平道徒言信薄夫

赴馮翊作

本自江海人且無寥廓志大明耀天宇靄靄風雨被迢
遞別荆吳飄飄涉沂泗廣川俟舟楫峻坂傷騏驎蹭蹬
失歸道崎嶇從下位西出太華陰北走少梁地蔥蘢墟
落色泱泱關河氣恥從俠烈遊甘為刀筆吏寶劍茱萸
匣豈忘知音貴大道且泛然沈浮未云異

晚霽中園喜赦作

五月黃梅時陰氣蔽遠邇濃

一本缺一作煙

雲連晦朔菰菜生

鄰里落日燒霞明農夫知雨止幾悲衽席濕長歎垣墻

毀矐朗天宇開家族躍

一本缺一作欣

以喜渙汗發大號坤元

更資始散衣出中國小徑尚滑履池光搖萬象倏忽滅
復起嘉樹如我心欣欣豈云已

觀范陽遞俘

北河旄星隕鬼方獮林胡羣師舞弓矢電發歸燕墟皇
皇軒轅君贊贊臯陶謨方思壯軍實遠近遞生俘車馬
踐大達合沓成深渠牧人過橐駝校正引駒駼烈風朝
送寒雲雪靄天隅草木同一色誰能辨榮枯四履封元

戎百金酬勇夫大邦武功爵固與炎皇殊

次天元十載華陰發兵作時有郎官點發

鬼方生獫狁時寇盧龍營帝念霍嫖姚詔發咸林兵天
星下文閣簡師臨我城三陌觀勇夫五餌謀長纓雷野
大車發震雲靈鼓鳴太華色莽蒼清渭風交橫胡馬悲
雨雪詩人歌旆旌閼氏為女奴單于作邊氓神皇麒麟
閣大將不書名

送丘健至州勅放作時任下邳縣

一作尉

太史登觀臺天街耀旄頭大君忽霆震詔爵冠軍侯南
必梁孫源西將圍崑丘河隴徵擊卒虎符到我州朝集
咸林城師言亂啁啾殺氣變木德凜凜如高秋元戎啓
神皇廟堂發嘉謀息兵業稼穡歸馬復休牛和風開陰
雪大耀中天流歡聲殷河嶽涵盪非煙浮邦牧新下車
德禮被甿謳乾坤日交泰吾亦遂優游

登商丘

河水日夜流客心多殷憂維梢歷宋國結纜登商丘漢

皇封子弟周室命諸侯搖搖世紀怨

一作遠

傷古復蕪秋

鳴鴻念極浦征旅慕前儔太息梁王苑時非牧馬遊

羣鴉

一作鴉

詠

新宮驪山陰龍袞時出豫朝陽照羽儀清吹肅達路羣

鴉隨天

一作太

車夜滿新豐樹所思在腐餘不復憂霜露

河低宮閣深燈影鼓鐘曙續紛集

一作起

寒枝矯翼時相

顧冢宰收琳瑯侍臣盡

一作進

鴛鴦高舉摩太清永絕矰

繳懼茲禽亦翱翔不以微小故

尚書省受

一作聽

誓誠貽太廟裴丞

皇家有恒憲齋祭崇明祀嚴車伊洛間受誓文昌裏沈
沈雲閣見稍稍城烏起曙色照衣冠虛庭鳴劍履裴回
念私覲悵望臨清汜點翰欲何言相思從此始

夏日尋藍田唐丞登高宴集

東望春明門駕言聊出遊南行小徑盡綠竹臨清流君
出罷六安居此澹忘憂園林與城市間里隨人幽披顏
闕衡闌置酒登崇丘山河臨咫尺宇宙窮寸眸是時春

載陽佳氣滿皇州
宮殿碧雲裏
鴛鴦初命儔
良辰方在茲
志士安得休
成名苟有地
何必東陵侯

田家即事答崔二東臯作四首

玄鳥雙雙飛杏林
初發花
煦媮命僮僕
可以樹桑麻
清旦理犂鋤
日入未還家

有客山中至
言傳故人訊
蕩漾敷遠情
飄颻吐清韻
倚歟春臯上
無乃成秋興

念別求須臾
忽至嚶鳴時
菜田燒故草
初樹養新枝
所

寓非幽深夢寐相追隨

依依親隴畝寂寂無鄰里不聞雞犬音日見和風起
賴君遺拔藻憂來散能弭

御定全唐詩卷一百三十七

欽定四庫全書

御定全唐詩卷一百三十八

儲光羲

敬酬陳掾親家翁秋夜有贈

大姬配胡公位乃三恪賓盛德百代祀斯言良不泯敬
仲為齊卿當國名益震仲舉登宰輔太丘榮搢紳武皇
受瑤圖爵土封其新繁祉既驟集裔孫生賢臣特達踰
珪璋節操方松筠雲漢一矯翼天池三振鱗曳裾朝亦

墀酌醴侍紫宸大君錫車馬時復過平津言則廣台階
道亦資天均清秋忽高興震一作振藻若有神曜曜趨宮

廷泱泱邁徐陳錫京既賜第門巷交朱輪方將襲伊臯
永以崇夏殷宗黨無遠近敬恭依仁人雪盡宇宙暄鴈
歸滄海春沈吟白華頌帝闈降絲綸驛騎及蕪城相逢
在郊野別離曠南北譴謫罹苦辛晝遊還荆吳迷方客
咸秦惟賢惠重義男女期嘉姻梧桐生朝陽鵲鳴蕭
晨豈不畏時暮坎壈無與鄰中夜涼風來顧我闕音塵

瓊瑤不遐棄寤寐如日新

蘇十三瞻登玉泉寺峰入寺中見贈作

慶門疊華組盛列鍾英彥貞性發天姿文明叶邦選為
情貴深遠作德齊隱見別業在春山懷歸出芳甸逖聽
多時友招邀及浮賤朝泐霸水窮暮矚藍田徧百花照

阡陌萬木森鄉縣

蘇居世
業藍田

澗淨綠蘿深巖暄新鳥轉依

然造華薄豁爾開靈院淹留火禁辰愉樂弦歌宴

時藍
田今

招飲肅肅列樽俎鏘鏘引纓弁天籟激微風陽光轡奔箭

以茲小人腹不勝君子饌是日既低迷中宵方眊眩

時醉

亂枕上思獨徃胸中理交戰碧雲暗雨來舊原芳草變

歡然自此絕心賞何由見鴻濛已笑雲列缺仍揮電忽

與去人遠俄逢歸者便

時藍田尉朝行入城與之俱

想像玉泉宮依

稀明月殿峰巒若登陟水木以遊衍息心幸自忘點翰
仍留眷恨無荆文璧以答丹青綯

酬李處士山中見贈

厥初遊太學相與極周旋含

一作舍

采共朝暮知言同古

先孟陽題劍閣子雲獻甘泉斯須曠千里婉婉將十年
今來豔陽月好鳥鳴翩翩同聲既求友不肖亦懷賢引
領遲芳信果枉瑤華篇成頌非其德高文徒自妍聲塵
邈超越比興起孤絕始信郢中人乃能歌白雪跂予北
堂夜搖筆酬明哲綠竹動清風層軒靜華月想像南山
下恬然謝朝列猶恐鷗鵠鳴坐看芳草歇邀以青松色

李詩云青
青此松栢

同之白華潔永願登龍門相將持此節

同諸公秋日遊昆明池思古

僕人理車騎西出金光遠蒼蒼白帝郊我將遊靈池太
陰連晦朔雨與天根違淒風披田原橫汙益山陂農畯
盡顛沛顧望稼穡悲皇靈惻羣氓神政張天維坤紀戮
屏翳元綱扶逶迤迴塘清滄流大曜懸金暉秋色浮渾
沌清光隨漣漪豫章盡莓苔柳杞成枯枝驟聞漢天子
征彼西南夷伐棘開洪淵秉旄訓我師震雲靈鼉鼓照
水蛟龍旂銳士千萬人猛氣如熊羆刑罰一以正干戈
自有儀坐作河漢傾進退樓船飛羽發鴻鴈落檣動芙

蓉披我我三雲宮肅肅振旅歸惡德忽小醜器用窮地
貲上兵貴伐謀此道不能為吁哉蒸人苦始曰征伐非
穆穆軒轅朝耀德守方陸君臣日安閒遠近無怨思石
鯨既蹭蹬女牛亦流離獮獮遊渚隅葭蘆生派湄坎埴
四十里填淤今已微河伯方翱翔天吳亟往來桑榆慘
一本缺
一作點
無色佇立暮霏霏老幼樵木還賓從迴轡羈帝

夢解魚索明月當報時

同諸公登慈恩寺塔

金祠起真宇直上青雲垂地靜我亦閒登之秋清時蒼
蕪宜春苑片碧昆明池誰道天漢高道遙方在茲虛形
賓太極攜手行翠微雷雨傍杳冥鬼神中躡踞靈變在
倏忽莫能窮天涯冠上閭闔開履下鴻鴈飛宮室低邈
迤羣山小參差俯仰宇宙空庶隨了義歸巖劣非大厦
久居亦以危

同諸公秋霽曲江俯見南山

天靜終南高俯映江水明有若蓬萊下淺深見澄瀛羣

峰懸中流石壁如瑤瓊魚龍隱蒼翠鳥獸遊清泠菰蒲
林下秋薜荔波中輕山憂一作晏浴蘭陟水若居雲屏嵐
氣浮渚宮孤光隨曜靈陰陰豫章館宛宛百花亭大君
及羣臣晏樂方嚶鳴吾黨二三子蕭辰怡性情逍遙滄
洲時乃在長安城

同諸公送李雲南伐蠻

昆明濱滇池蠢爾敢逆常天星耀鐵鎖帛彼西南方冢
宰統元戎太守齒軍行囊括千萬里矢謨在廟堂耀耀

金虎符一息到炎荒
蒐兵自交趾
芟舍出瀘陽
羣山高
嶄巖凌越如鳥翔
封豕驟踰伏巨象
遙披攘迴溪深天
淵揭厲踰舟梁
玄武掃狐蜮
蛟龍除方良
雷霆隨神兵
礪磕動窮蒼
斬伐若草木
繫縲同犬羊
餘醜隱弭河
啁嗽亂行藏
君子惡薄險
王師恥重傷
廣車設置梁
太白收光芒
邊吏靜縣道
新書行紀綱
劍闕掉鞅歸
武弁朝建章
龍樓加命服
獬豸擁秋霜
邦人頌靈旗
側聽何洋洋
京觀在七德
休哉我神皇

奉和韋判官獻侍郎叔除河東採訪使

天卿小冢宰道大名亦大醜正在權臣建旗千里外楚
山俯江漢汴水連譙沛兩持方伯珪再轉諸侯蓋恬淡
輕黜陟優游邈千載乾象變台衡羣賢盡交泰聿徠股
肱郡河嶽即襟帶盛德滋冀方仁風清汾澮四封盡高
足相府軺車最超超青雲器婉婉竹林會賤士敢知言
成頌文明代燕雀依大厦期之保貞悔

同王十三維哭殷遙

生理無不盡念君在中年遊道雖未深舉世莫能賢策
仕苦貧賤為客少田園膏腴不可求乃在許西偏四鄰
盡桑柘咫尺開牆垣內艱未及虞形影隨化遷茅茨俯
苦蓋雙殯兩楹間時聞孤女號迥出陌與阡慈烏亂飛
鳴猛獸亦以跼故人王夫子靜念無生篇哀樂久已絕
聞之將泣然太陽蔽空虛雨雪浮蒼山迢遞親靈櫬顧
予悲絕絃處順與安時及此乃空言

貽丁主簿仙芝別

赫赫明天子翹翹羣秀才昭昭皇宇廣隱隱雲門開搖

曳君初起睽翩予復來

丁侯前舉
予次年舉

茲年不得意相命遊

靈臺

同為太
學諸生

驂騑多逸氣琳瑯有清響聯行擊水飛獨

影凌虛上

同年舉而
丁侯先第

關河施芳聽江海徵新賞歛衽歸

故山敷言播天壤雲峯雖有異楚越幸相親既別復遊

處道深情更殷下愚忝聞見

子後及第又
應制授官

上德猶遭迤

偃仰東城曲棲遲依水濱脫巾從會府結綬歸海裔親

知送河門邦族迎江滌夫子安恬淡他人悵迢遞飛艎

既眇然洲渚徒虧蔽人謀固無準天德諒難知高名處
下位逸翮棲卑枝去去水中沚搖搖天一涯蓬壺不可
見來泛躍龍池

京口送別王四誼

江上楓林秋江中秋水流清晨惜分袂秋日尚同舟落
潮洗魚浦傾荷枕驛樓明年菊花熟洛東泛觴遊

同房憲部應旋

一下缺一有遊
衡山寺四字

衡山法王子慧見息諸苦落髮自南州燕居在西土養

正不因晦得中寧
患旅曠然長虛閒
即理寄行補四句
了自性一音亦非
取橘柚故園枝隨
人植庭戶我地少
安住念天時啓處
憲卿文昌歸愉悅
來晤語車騎踐香
草僕人沐花雨長
風散繁雲萬里靜
天宇起滅信易覺
清真知有所逍遙
高殿陰六月無炎
暑微言發新偈粲
粲如懸圃直心視
惠光在此大法鼓

奉別長史庾公太守徐公應召

烈風起江漢白浪
忽如山方伯驟勤
王杞人亦憂天艷

金
卷一
三十一
鶴頃靈晦雲龍台我賢車騎北艱苦餘艤西泝水靈
靜湍瀨猛獸趨後先龍樓開新陽萬里出雲間宇宙既
焜耀崇德濟巨川受命在神宗振兵猶軒轅煌煌踰涿
鹿穆穆更坤元明王朝太階遠邇望嘉言遊子淡何思
江湖將永年

獄中貽姚張薛李鄭柳諸公

直道時莫親起羞見讒口與人是非怪西子言有咎誣
善不足悲失聽一何醜大來敢遐望小徃且虛受中夜

園圍深初秋繆紲久踈螢出暗草朔風鳴衰柳河漢低
在戶蠨蛸垂向牖鴈聲遠天末涼氣生霽後負戶愁讀
書劒光忿衝斗哀哀害神理惻惻傷慈母妻子垂涕泣
家僮日奔走書詞苦人吏饋食勞交友寒服猶未成繁
霜漸將厚吉凶問詹尹倚伏信北叟鬼爰知己冤鳥言
誠所誘諸公深惠愛朝夕相左右東濕雖欲操鉤金庶
無負傷羅念搖翮踈足思驤首瑾瑜頗匿瑕邦國方含
垢眷言離深穽永日常攜手

貽鼓吹李丞時信安王北伐李公王之所器者

也

北伐昧天造王師示有征轅門統元律帝室命宗英靈
威方首事仗鉞按邊城膏雨被春草黃雲浮太清文儒
託後乘武旅趨前旌出車發西洛營軍臨北平曰予深
固陋志氣頗縱橫嘗思驃騎幕願逐嫖姚兵惟賢美無
度海內依揚聲河間舊相許車騎日逢迎折節下謀士
深心論客卿忠言雖未列庶以知君誠

貽王侍御出臺掾丹陽

高高瑯琊臺臺下生箇簾照車十二乘光彩不足諭既
當少微星復隱高山霧金丘華陽下仙伯養晦處茅茨
對三峯梧桐開一路神溪繞臯陸樵牧自成趣時登青
冥遊若從天江度墟里獻薇蕨羣公致衣縷深沈復清
淨俯仰視太素猛獸識賓僕頽霞知早暮我我雲龍開
忽有方伯遇達人無不可壯志一作士且馳驚融泄長雞
鳴繽紛大鵬翥赤墀高崩劣一見如三顧禮服正邦祀

刑冠肅王度三辰明昭代光啓玄元祚章臺收杞梓太
液滿鵷鷺豐澤耀純仁八方晏黔庶沈沈閭闔起殷殷
蓬萊曙旌戟儼成行雞人傳發煦翔翼一如鶚百辟莫
不懼清廟奉烝嘗靈山扈鑾輅天街時蹴踘直指讌橙
杓四月純陽初雷雨始奮豫逆星孛皇極鈇鑕靜天步
鄧錡舒曜靈干戈藏武庫析榘增廣運直道有好惡迴
跡清憲臺傳騎東南去列城異疇昔近踐寡徒御纏綿
西關道婉孌新豐樹伊洛不敢息淮河任汭沂鄉亭采

黃津先後非疏附炎時方怵惕有若踐霜露惆悵長

岑長

一作
缺

寂寞梁王傳紛吾家延州結友在童孺岑陽

沐天德邦邑持民務踟躕望朝陰如何復淪誤牙曠三
千里擊轅非所慕秋濤聯滄溟舟楫湊北固江汜日綿
眇朝夕空寐寤中洞松栝新東臯阡陌故餘輝方焜耀
可以歡邑聚南華在濠上誰辯魏王瓠登陟芙蓉樓為
我時一賦

貽劉高士別

夙駕出東城城傍早霞散初日照龍闕
我我在天半壯哉麗百常美矣崇兩觀
俯視趨朝客簪珮何璀璨而我送將歸
裴回霸陵岸北雲去吳越南鴈離江漢
伊昔蹈丘園翩翩理文翰高談閔仲叔
逸氣劉公幹每言竹柏貞常輕朝市玩
山畫猿狖靜溪曛魚鳥亂寧止卧崆峒
直云期汗漫聖君既理歷族士咸炳煥
矯首來天池振羽泛漪澗元淑命不達
伯鸞吟可歎東去姑蘓臺乃過陟陽館
舍轡函關道浮舟滄海畔耳目曠暄涼
懷抱盈

悲惋沈沈青歲晚
靄靄秋雲換
自言永遁棲
無復從羈絆
揮手謝知己
知己莫能讚

山中貽崔六琪華

恍惚登高嶺
裴回看落日
遙想仲長園
如親幼安室
春渚菖蒲登
山中撥穀鳴
相思不道遠
太息未知情
意君來此地時
復踈林薄
中夜掃閒一作衡門
迎晨閉茵閣
屢

履清池上
家童奉信歸
憂隨落花散
目送歸雲飛
故交在天末
心知復千里
無人暫往來
獨作中林士

貽余處士

故園至新浦遙復未百里北望是他邦紛吾即遊士潮
來津門啟罷楫信流水客意乃成歡舟人亦相喜遲遲
菱荇上泛泛菰蒲裏漸聞商旅喧猶見鳬鷺起市亭忽
雲構方物如山峙吳王昔喪元隋帝又滅祀停艫一作
艦

一以眺太息興亡理秋苑故池田宮門新柳杞我行苦

炎月乃及清昊始此地日逢迎終思隱君一作
居子莫言

異舒卷形音在心耳

劉先生閒居

先生及第後為道士居太清宮又從戎而後歸

高第後歸道乃居玉華宮逍遙人間世不異浮丘公
甘寢何兼羽出門忽從我方將遊崑崙又欲小崆峒
進退既在我歸來長安中焚香東海君侍坐西山童
善行無轍迹吾亦安能窮但見神色閒中心如虛空
期之比天老真德輔帝鴻

京口題崇上人山亭

即京口郭內山也

清旦歷香巖巖徑紆復直花林開宿霧遊目清霄極
分

明窗戶中遠近山川色金沙童子戲香飯諸天食叫叫
海鴻聲軒軒江燕翼寄言清淨者問閻徒自踣

朝邑蔡主簿期不會二首

下位日趨走久之賓會疎空遲偶詞賦所媿比園廬朝
念池上酌暮逢林下書方將固封守暫欲混畋漁衰柳
隱長路秋雲滿太虛遙遙望左右日入未廻車

日入清風至知君在西偏車輿既成列賓僕復能賢迨
遞下墟坂逍遙看井田蒼山起暮雨極浦浮長煙服義

大如志交歡數盡年寧言十餘里不見空來還

輦城南河作寄徐三景暉

初年雨候遲輦洛河流小搖搖芳草岼屢見春山曉清
露洗雲林輕波戲魚鳥唯言故人遠不念鄉川眇舟楫
去滌迴湍淑行奔峭寄書千里路莫道南鴻少

貽閭處士防卜居終南

春風搖雜樹言別還江汜堅冰生綠潭又客三千里
夢唯顏色懸情乃文史滌耳貴清言披歡遲玉趾秦城

疑舊廬佇立問焉如稚子跪而說還山將隱居竹林既
深遠松宇復清虛跡過事多逸心安趣有餘石門動高
韻草堂新著書

時閩子有石門草堂詩集

騫飛久超絕蹇足空躊躇

猶有昔時意望君當照車驅車當六國何以須潛默聖
主常徵賢羣公每舉德此時方獨徃身志將何欲願謝
山中人迴車首歸躅

新豐作貽殷四校書

漢皇思舊邑秦地作新豐南出華陽路西分長樂宮安

知天地久不與昔年同雞犬暮聲合城池秋霽空紛吾
從此去望極咸陽中不見芸香閣徒思文雅雄

華陽作貽祖三詠

朝行敷水上暮出華山東高館宿初靜長亭秋轉空日

余一作餘久淪汨重此聞霜風淅瀝入溪樹颼颼驚夕鴻

淒然望伊洛如見息陽宮舊識無高位新知盡固窮夫
君獨輕舉遠近善文雄豈念千里駕崎嶇秦塞中

貽袁三拾遺謫作

傾蓋洛之濱依然心事親龍門何以峻曾是好詞人珥

筆朝文

一作丹

陞含章諷紫宸帝城多壯觀被服長如春

天子儉為德而能清約身公卿盡虛位天下自趣塵如

君物望美令德聲何已高帝黜儒生文皇謫才子朝廷

非不盛譴謫良難恃路出大江陰川行碧峰裏斯言徒

自玷白玉豈為滓希聲盡衆人深識唯知己已知已怨生

離悠悠天一涯寸心因夢斷孤憤為年移花滿芙蓉闌

春深朝夕池空令千萬里長望白雲垂

洛中貽朝校書衡朝即日本人也

萬國朝天中東隅道最長

一作朝

生美無度高駕仕春

坊出入蓬山裏逍遙伊水傍
伯鸞遊太學中夜一相望
落日懸高殿秋風入洞房
屢言相去遠不覺生朝光

貽崔太祝

天都分禮閣肅肅臨清渠
春山照前屏高槐蔭內除
惟賢尚廩祿弟去兄來居
文雅更驤首風流信有餘
中年幸從事乃遇兩吹噓
何以知君子交情復淡如

貽王處士子文

春草生洞渚春風入上林
春臯有黃鶴撫翮未揚音
王屋嘗嘉遁伊川復陸沈
張弦鷗雞弄閉室蓬蒿深
避地歌三樂遊山賦九吟
大君思左右無乃化黃金

獻華陰羅丞別

華山薄遊者玄髮當青春
道德同仙吏尊卑即丈人
縣城俯京路獲見官舍裏
淹留瓊樹枝謔浪春泉水
昔余在天目總角奉遊從
寒暑遞來往今復蓮花峰
別情無

遠近道別方愁予孰想古人言乃知悲風雨

閒居

薄遊何所媿所媿在閒居親故不來往中園時讀書步
欄滴餘雪春塘抽新蒲梧桐漸覆井時鳥自相呼悠然
念故鄉乃在天一隅安得如浮雲來往方須臾

送恂上人還吳

洛城本天邑洛水即天池君王既行幸法子復來儀虛
室香花滿清川楊柳垂垂閒道歸去遠意誰能知

送周十一

秋風隕羣木衆草下嚴霜復問子何如自言之帝鄉豈
無親所愛將欲濟時康握手別征駕返悲岐路長

新豐主人

新豐主人新酒熟舊客還歸舊堂宿滿酌香含北砌花
盈尊色泛南軒竹雲散天高秋月明東家少女解秦箏
醉來忘却巴陵道夢中疑是洛陽城

登戲馬臺作

君不見宋公仗

一作杖

鉞誅燕後英雄踴躍爭趨走小會

衣冠呂梁壑大徵甲卒礪礪口天門

一作開

神武樹元勲

九日茱萸饗六軍泛泛樓船遊極浦搖搖歌吹動浮雲

居人滿目市朝變霸業猶存齊楚甸泗水南流桐柏川

沂山北走瑯琊縣滄海沈沈晨霧開彭城烈烈秋風來

少年自古

一作言

未得意日暮蕭條登古

一作此

臺

貽從軍行

取勝

一本缺

小非用

一作川

來朝明光殿東平不足先夢出

鳳林間夢還滄海關萬里盡陰色豈為我離別馬上吹
笛起寒風道傍舞劍飛春雪男兒懸弧非一日君去成

高節

一云
缺誤

酬李壺關奉使行縣憶諸公

青楓

一作
風

江上滄浪吟白月宮中鸚鵡林非有淨清心

同道同方若斷金離居忽有雲山意清韻遙轉舟機事

去時能憶竹園遊來時莫忘桃園

一作
源

記

一云
闕誤

薔薇

一篇
有字

裊裊長數尋青青不作林一莖獨秀當庭心數枝分作

滿庭陰春日遲遲欲將半庭影離離

一作
賒賒

正堪玩枝上

鶯嬌不畏人葉底蛾飛自相亂秦家女兒愛芳菲畫眉

相伴

一作
喚

采葳蕤高處紅鬚欲就手低邊綠刺已牽衣

蒲萄架上朝光滿楊柳園中暝鳥飛連袂踏歌從此去

風吹香氣逐人歸

同張侍御宴北樓

今之太守古諸侯出入雙旌垂七旒朝覽干戈時聽訟

暮延賓客復登樓
西山漠漠岷嶓色
北渚沈沈江漢流
良宵清淨方高會
繡服光輝聯皂蓋
魚龍恍惚堦墀下
雲霧杳冥窗戶外
水靈慷慨行泣珠
游女飄飄思解佩
蒼蒼低月半遙城
落落疎星滿太清
一作忍開襟悲
楚奏願言吹笛退
胡兵
軒后青丘埋猨狢
周王白羽掃
攬搶期君武
節朝龍闕
余亦翱翔歸玉京

御定全唐詩卷一百三十八

欽定四庫全書

御定全唐詩卷一百三十九

儲光羲

臨江亭五詠

并序

建業為都舊矣晉主來此而禮物盡備雖云在德
亦云在險京口其地也嗚呼有邦國者有興亡焉
自晉及陳五世而滅以今懷古五篇為詠臨江亭
得其勝槩寄以興言雖未及乎辯士亦其志也

晉家南作帝京鎮北為關江水中分地城樓下帶山金陵事已往青蓋理無還落日空亭上愁看龍尾灣

山橫小苑前路盡大江邊此地興王業無如宋主賢潮生建業水風散廣陵煙直望青波裏祇言別有天

城頭落暮暉城外擣秋衣江水青雲挹蘆花白雪飛南州王氣絕東國海風微借問商歌客年年何處歸

古木嘯寒禽層城帶夕陰梁園多綠柳

一作樹

楚岸盡楓

林山際空為險江流長自深平生何以恨天地本無心

京山千里過孤憤望中來江勢將天合城門向水開落霞明楚岸夕露濕吳臺去去無相識陳皇安在哉

餞張七珣任宗城即環之季也同產八人俱以

才名知

他日曾遊魏魏家餘趾存可憐宮殿所但見桑榆繁此去拜新職為榮近故園高陽八才子况復在君門

留別安慶李太守

明牧念行子又言悲解攜初筵方落日醉止到鳴雞過

客来自北大軍居在西兵家如討逆敢以庶盤溪

洛陽東門送別

東城別故人臘月遲芳辰不惜孤舟去其如兩地春花
明洛陽苑水綠小平津是日不相見鶯聲徒自新

漢陽卽事

楚國千里遠孰知方寸違春遊歡有客夕寢賦無衣江
水帶冰綠桃花隨雨飛九歌有深意捐佩乃言歸

泊江潭貽馬校書

明月掛青天遙遙如目前故人遊畫閣却望似雲邊水宿依漁父歌聲好

一作和

采蓮采蓮江上曲今夕為君傳

送沈校書吳中搜書

郊外亭臯遠野中岐路分苑門臨渭水山翠雜春雲秦閣多遺典吳臺訪閼文君王思校理莫滯清江濱

寒夜江口泊舟

寒潮信未起出浦纜孤舟一夜苦風浪自然增旅愁吳山遲海月楚火照江流欲有知音者異鄉誰可求

苑外至龍興院作

朝遊天苑外忽見法筵開
山勢當空出雲陰滿地來
踈鍾清月殿幽梵靜花臺
日暮香林下飄飄一作飄飄仙步迴

題虬上人房

禪宮分兩地釋子一為心
入道無來去清言見古今
江寒池水綠山暝竹園深
別有中天月遙遙散夕陰

詠山泉

一作題山中流泉

山中有流水借問不知名
映地為天色飛空作雨聲
轉

來深澗滿分出小池平恬澹無人見年年長自清

貽主客呂郎中

即皇太子贊論

上士既開天中朝為得賢青雲方羽翼畫省比神仙委
佩雲霄裏含香日月前

一作邊

君王儻借問客有上林篇

京口留別徐大補闕趙二零陵

皇州月初曉處處鼓鐘喧樹出蓬萊殿城開閭闔門近
臣朝瑣闥詞客向文園獨有三川

一作洲

路空傷遊子魂

答王十三維

門生故來往知欲命浮觴忽奉朝青閣回車入上陽落
花滿春水疎柳映新塘是日歸來暮勞君奏雅章

奉和中書徐侍郎中書省玩白雲寄潁陽趙大
青闕朝初退白雲遙在天非闕取雷雨故欲伴神僊泛
瀝鵷池曲飄飄瑣闥前猶多遠山意幸入侍臣篇

和張太祝冬祭馬步

故壇何肅肅中野自無喧烈火見陳信颺言聞永存房
星隱曙色朔風一作氣動寒原今日歌天馬非闕征大宛

祭風伯壇應張太祝作

聖主御青春
綸言命使臣
將修風伯祀
更福太平人
帝
幕宵聯事
壇場曉降神
帝心矜動物
非為屬車人

尋徐山人遇馬舍人

泊舟伊川右
正見野人歸
日暮春山綠
我心清且微
巖
聲風雨度
水氣雲霞飛
復有金門客
來參羅薜衣

夜觀妓

白雪宜新舞
清宵召楚妃
嬌童攜錦薦
侍女整羅衣
花

映垂鬟轉香迎步履飛徐徐斂長袖雙燭送將歸

洛橋送別

河橋送客舟河水正安流遠見輕橈動遙憐故國遊
海禽逢早雁江月值新秋一聽南津曲分明散別愁

秦中送人覲省

二月清江外遙遙餞故人南山晴有雪東陌霽無塵
騎別章臺晚舟行洛水春知君梁苑去日見白華新

洛中送人還江東

洛城春雨霽相送下江鄉
樹綠天津道山明伊水陽
孤舟從此去客思一何長
直望清波裏唯餘落日光

送姚六崑客任會稽何大蹇任孟縣

越城臨渤海晉國在河汾
仙綬兩鄉意青郊一路分野

棠春未發田雀

一作鵲

暮成羣他日思吳會嘗因西北雲

洛潭送人覲省

清洛帶芝田東流入大川
舟輕水復急別望杳如仙
細草生春岸明霞散早天
送君唯一曲當是白華篇

送人隨大夫和蕃

西方有六國國國願東賓聖主今無外懷柔遣使臣大
夫開幕府才子作行人解劍聊相送邊

一本缺一作秦

城二月

春

仲夏餞魏四河北覲叔

落日臨御溝送君還北州樹涼征馬去路暝歸人愁吳
嶽夏雲盡渭河秋水流東籬摘芳菊想見竹林遊

送人尋裴斐

柱史迴清憲謫居臨漢川遲君千里駕方外賞雲泉路

斷因春水山深隔

一作曲

暝煙湘江見遊女寄摘一枝蓮

隴頭水送別

相送隴山頭東西隴水流從來心膽盛今日為君愁暗
雪迷征路寒雲隱戍樓唯餘旌旆影相逐去悠悠

送王上人還襄陽

朝看法雲散知有至人還送客臨伊水行車出故關天
花滿南國精舍在空山雖復時來去中心長日閒

官莊池觀競渡

落日吹簫管清池發櫂歌船爭先後渡岸激去來波水
葉藏魚鳥林花間綺羅踟躕仙女處猶似望天河

重寄虬上人

一作雲峰別三看花柳朝青山隔遠路明月空長霄鵲
浴西江雨雞鳴東海潮此情勞夢寐況道雙林遙

藍上茅茨期王維補闕

山中人不見雲去夕陽過淺瀨寒魚少蘓蘭秋蝶多老

年踈世事幽性樂天和酒熟思才子谿頭望玉珂

大酺得長字韻時任安宜尉

大道啟元命時人居太康中朝發玄澤下國被天光明
詔始端午初筵當履霜鼓鼙逆一作開爽氣羽籥映新陽

太守即懸圃淮夷成葆疆小臣慙下位拜手頌靈長

同張侍御鼎和京兆蕭兵曹華歲晚南園

公府傳休沐私庭效陸沈方知從大隱非復在幽林關
下忠貞志人間孝友心既將冠蓋雅仍與薜蘿深寒變

中園柳春歸上苑禽池涵青草色山帶白雲陰潘岳閒
居賦鍾期流水琴一經當自足何用遺黃金

奉酬張五丈垂贈

綵服去江汜白雲生大梁星辰動異色羔雁成新行日
望天朝近時憂郢路長情言間邁軸惠念及滄浪松柏
以之茂江湖亦自忘賈生方弔屈豈敢比南昌

秦中守歲

衆星已窮次青帝方行春永感易成戚離居難重陳闔

門守初夜燎火到清晨或念無生法多傷未出塵廣庭
日將晏虛室自為賓願以桑榆末常逢甲子新

獻高使君大酺作

肅穆郊禋畢工歌賞事并三朝遵湛露一道洽仁明布
德音皆應無為物自成花添羅綺色鶯亂管弦聲獨有
同高唱空陪樂太平

滎陽馬氏二子

聖君封太嶽十月建行旃輦路開千里寒雲霽九天故

人多侍從二子留伊川河究冰初合闕城月屢圓暝過
滎水上聞說鄭卿賢材蔽行人右名居東里先制巖開
別業桑柘亦依然待至金園側相將居一廛

觀競渡

大夫沈楚水千祀國人哀習櫂江流長迎神雨露開標
隨綠雲動船逆清波來下怖魚龍起上驚鳬雁迴能令
秋大有鼓吹遠相催

太學貽張筠

壁池忝門子低頃變炎涼綠竹深虛館清流響洞房園
林在建業新友去咸陽中夜鼓鐘靜初秋漏刻長浮雲
開太室華蓋上明堂空此遠相望勞歌還自傷

田家即事

桑柘悠悠水蘸堤晚風晴景不妨犁高機猶織卧蠶子

下坂飢

一作欣

逢餉饁妻

一作未飢
逢餉妻

杏色滿林羊酪熟麥

涼浮隴雉媒低生時樂死皆由命事在皇

一作是

天志

一作

廻不迷

洛陽道五首獻呂四郎中

洛水春冰開洛城春水

一作
樹

綠朝看大道上落花亂馬

足

劇孟不知名千金買寶劍出入平津邸自言嬌且豔

大道直如髮春日佳氣多五陵貴公子雙雙鳴玉珂

春風二月時道傍柳堪把上枝覆官閣下枝覆

一作
拂

車

馬

洛水照千門千門碧空裏少年不得志走馬遊新市

同武平一貢外遊湖

竹吹留歌扇蓮香入舞衣前溪多曲渚乘興莫先歸

長安道

鳴鞭過酒肆袷服遊倡門百萬一時盡含情無片言

西行一千里暝色生寒樹暗聞歌吹聲知是長安路

江南曲四首

綠江深見底高浪直翻空慣是湖邊住舟一作船輕不畏

風

逐流牽荇葉緣岵摘蘆苗為惜鴛鴦鳥輕輕動畫橈
日暮長江裏相邀歸渡頭落花如有意來去逐船流
隔江看樹色沿月聽歌聲不是長干住那從此路行

關山月

一雁過連營簫霜覆古城胡笳在何處半夜起邊聲

玉真公主山居

山北天泉苑山西鳳女家不言沁園好獨隱武陵花

滄浪峽

一作儲嗣宗詩

滄浪臨古道道上若成塵自有滄浪峽誰為無事人

奉真觀

真門迥向北馳道直向西為與天光近雲色成虹霓

明妃曲四首

西行隴上泣胡天南向雲中指渭川
毳幕夜來時宛轉何由得似漢王邊

胡王知妾不勝悲樂府皆傳漢國辭
朝來馬上瑩篴引

稍似宮

一作雲

中閒夜時

日暮驚沙亂雪飛傍人相勸易羅衣強來前殿

一作帳看

歌舞共待單于夜獵歸

彩騎雙雙引寶車羗笛兩兩奏胡笳若為別得橫橋路

莫隱

一作不憶

宮中玉樹花

同武平一負外遊湖五首時武貶金壇令

紅荷碧篠夜相鮮皂蓋蘭橈浮翠筵舟中對舞邯鄲曲

月下雙彈盧女弦

青林碧嶼暗相期緩楫揮觥欲賦詩借問高歌凡幾轉

河低月落五更時

朝來仙閣聽弦歌
暝入花亭見綺羅
池邊命酒憐風月
浦口回船惜芰荷

朦朧竹影蔽巖扉
淡蕩荷風飄舞衣
舟尋綠水宵將半
月隱青林人未歸

花潭竹嶼傍幽蹊
畫楫浮空入夜溪
芰荷覆水船難進
歌舞留人月易低

題茅山華陽洞

華陽洞口片雲飛
細雨濛濛欲濕衣
玉簫遍滿仙壇上
應是茅家兄弟歸

寄孫山人

新林二月孤舟還
水滿清江花滿山
借問故園隱君子

時時來往

一作去

住

一作在

人間

御定全唐詩卷一百三十九

欽定四庫全書

集部

御定全唐詩卷一百四十五
四十六

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣高中

謄錄監生臣胡永壽

欽定四庫全書

御定全唐詩卷一百四十

王昌齡

王昌齡字少伯京兆人登開元十五年進士第補秘書郎二十二年中宏詞科調汜水尉遷江寧丞晚節不護細行貶龍標尉卒昌齡詩緒密而思清與高適王渙之齊名時謂王江寧集六卷今編詩四卷

變行路難

向晚橫吹悲風動馬嘶合前驅引旗

一作旌

節千里陣雲

市單于下陰山砂礫空颼颼封侯取一戰豈復念閨閣

塞下曲四首

蟬鳴空桑林

一作桑樹間

八月蕭關道出塞入塞寒

一作復入塞

處處黃蘆草從來幽并客皆共塵沙

一作向沙場

老莫學遊

俠兒矜誇紫駟好

飲馬渡秋水水寒風似刀平沙日未沒黯黯見臨洮昔

一作當

日長

一作龍

城戰咸言意氣高黃塵足

一作漏一作是

今古

白骨亂蓬蒿

此首一本題作望臨洮

奉詔甘泉宮總徵天下兵朝廷備禮出郡國豫郊迎紛

紛幾萬人去者無全生臣願節宮廄分以賜邊城

一本無以

下二首同塞上

曲題作三首

邊頭何慘慘已葬霍將軍部曲皆相弔燕南代北聞功

勲多被黜兵馬亦尋分更遣黃龍戍唯當哭塞雲

一本此首

題作塞

上曲

塞上曲

秋風夜渡河吹却雁門桑遙見胡地獵
馬宿嚴霜五道分兵去孤軍百戰場功多翻下獄士卒但心傷

從軍行二首

向夕臨大荒朔風軫歸慮平沙萬里餘飛鳥宿何處
騎獵長原翩翩傍河去邊聲搖白草海氣生黃霧百戰
苦風塵十年履霜露雖投定遠筆未坐將軍樹早知行
路難悔不理章句

秋草

一作風

馬蹄輕角弓持弦急去為龍城戰正值胡兵

龍軍氣橫太荒戰酣日將入長風金鼓動白露鐵衣濕
四起愁邊聲南庭時佇立斷蓬孤自轉寒雁飛相及萬
里雲沙漲平原冰霰澀惟聞漢使還獨向刀環泣

一本無此首

少年行二首

西陵俠少年送客短長亭青槐夾兩道

一作路

白馬如流

星聞道羽書急單于寇井陘氣高輕赴難誰顧

一作惟願

燕

山銘

走馬遠相尋西樓下夕陰結交期一劍留意贈千金高

閣歌聲遠重門柳色深夜闌須盡飲莫負百年心

一本無此

首

長歌行

曠野饒悲風颼颼黃

一作多

蒿草繫馬倚

一作停

白楊誰知

我懷抱所是

一作見

同袍

一作懷

者相逢盡衰老北

一作况

登

漢家陵南望長安道下有枯樹根上有鼯

一作鼯

鼠窠高

皇子孫盡千載無人過寶玉頻發掘精靈其奈何人生

須達命有酒且長歌

悲哉行

勿一作每聽白頭吟人間易憂怨若非滄浪子安得從所

願北上太行山臨風闕吹萬長雲數千里倏忽還膚寸
觀其微滅時精意莫能論百年不容息是處生意蔓始
悟海上人辭君永飛遯

古意

桃花四面發桃葉一枝開欲暮黃鸝嘯傷心玉鏡臺清
箏向明月半夜春風來

放歌行

南渡

一作望

洛陽津西望十二樓明堂坐天子月朔朝諸

侯清樂動千門皇風被九州慶雲從東來

一作出

決潏抱

日流昇平貴論道文墨將何求有詔徵草澤微誠將獻

謀

一作獻
謀猷

冠冕如星羅拜揖曹與周望塵非吾

一作君

事

入賦

一作職

且遲留幸蒙國士識因脫負薪裘今者放歌

行以慰梁甫愁但營數斗祿奉養每豐羞若

一作願

得金

膏遂飛雲亦可儔

一作求

越女

樂府詩集
作採蓮曲

越女作桂舟還將桂為楫湖上水渺漫清江不一作初可

涉摘取芙蓉花莫摘芙蓉葉將歸問夫婿顏色何如妾

鄭縣宿陶太公館中贈馮六元二

儒有輕王侯脫畧當世務

一作譽

本家藍田下一作谿中非為

漁弋故無何

一作才

困躬耕且欲馳永路幽居與君近出

谷同所驚

一作務

昨日辭石門五年變秋露雲龍未相感

干謁亦已屢子為黃綬羈余忝蓬山顧京門望西嶽百

里見郊樹飛雨祠上

一作下

來靄然關中暮驅車鄭城宿

秉燭論往素山月出華陰開此河渚霧清光比故人豁
達展心晤馮公尚戢翼元子仍跼步拂衣易為高淪跡
難有趣張范善終始吾等豈不慕罷酒當涼風屈伸備
冥數

聽彈風入松閣贈楊補闕

商風入我絃夜竹深有露絃悲與林寂清景不可度寥
落幽居心颼颼青松樹松風吹草白溪水寒日暮聲意

去復還九變

一作辨

待一顧空山多雨雪獨立君始悟

維氏尉沈興宗置酒南谿留贈

林色與溪古深篁引幽翠山尊在漁舟棹月情已醉始
窮清源口壑絕人境異春泉滴空崖萌草拆陰地久之
風榛寂遠聞樵聲至海雁時獨飛永然滄洲意古時青

冥客滅跡淪一尉吾子躊躇心豈其紛埃事緱峰

一作岑

信所剋濟北余乃遂齊物意已會

一作可任今

息肩理猶未

卷舒形性表脫畧賢哲議仲

一作乘

月期角巾飯僧嵩陽

寺

為張儋贈閭使臣

哀哀獻玉人楚國同悲辛

泣一作淚

盡繼以血何由辨其

真賴承琢磨惠復使光輝新猶畏讒口疾棄之如埃塵

贈史昭

東林日未升廓落星與漢是夕鴻始來齋中起長歎懷

哉望南浦眇然夜將半但有秋水聲

一作聲孤

愁使心神亂

握中何為贈瑤草已衰散海鱗未化時各在天一岸

秋山寄陳讜言

巖間寒事早，衆山木已黃。北風何蕭蕭，茲夕露為霜。感

激未能寐，中宵時慨慷。

黃一作革

蟲初悲鳴，玄鳥去我梁。

獨卧時易晚，離羣情更傷。思君若

一作苦

不及鴻雁，今南

翔。

出郴

一作柳

山口至疊

一作壘

石灣野人室中寄張

十一

楮栭無冬春，柯葉連峯稠。陰壁下蒼黑，煙含清江樓。景

開獨沿曳響蒼隨興酬旦夕望吾友如何迅孤舟疊沙
積為崗崩剝雨露幽石脉盡橫亘潛潭何時流既見萬
古色頗盡一物由永與世人遠氣還草木收盈縮理無
餘今往何必憂榔土羣山高耆老如中州孰云議舛一作

外降豈是娛官遊陰火昔所伏丹砂將爾謀昨臨蘇耽

井復向衡陽求同一作問

疾來相依脫身當有籌數月乃

離居風湍成阻脩野人善竹器童子能谿謳寒月波蕩

漾羈鴻去悠悠

宿灞上寄侍御璵弟

獨飲灞上亭寒山青門外長雲驟落日桑棗寂已晦古
人驅馳者宿此凡幾代佐邑由東南豈不知進退吾宗
秉全璞楚得璆琳最茅山就一徵柏署起三載道契非
物理神交無留礙知我滄溟心脫畧腐儒輩益冬鑿輿
出陽谷羣臣會半夜馳道喧五侯擁軒蓋是時燕齊客
獻術蓬瀛內甚悅我皇心得與王母對賤臣欲干謁稽
首期殞碎哲弟感我情問易窮否泰良馬足尚踰寶刀

光未淬昨聞羽書飛
兵氣連朔塞諸將多失律
廟堂始追悔安能召書生
願得論要害戎夷非草木
侵逐使狼狽雖有屠城功
亦有降虜輩兵糧如山積
恩澤如雨霈羸卒不可興
磧地無足愛若用匹夫策
坐令軍圍潰不費黃金資
寧求白璧賚明主憂既遠
邊事亦可大荷寵務推誠
離言深慷慨霜搖直指草
燭引明光珮公論日夕阻
朝廷蹉跎會孤城海明月
萬里流光帶不應百尺松
空老鍾山靄

次汝中寄河南陳贊府

汝山方聯延伊水纔明滅遙見入楚雲又此空館月紛
然馳夢想不謂遠離別京邑多歡娛衡湘暫沿越明湖
春草遍秋桂白花發豈惟長思君日夕在魏闕

同從弟銷南齋翫月憶山陰崔少府

高卧南齋時開帷

一作帳

月初吐清輝淡水木演漾在窗

戶冉冉幾盈虛澄澄變今古美人清江畔是夜越吟苦

千里其如何

一作何如

微風吹出

一作出

蘭

一作芳

杜

代扶風主人答

殺氣凝不流風悲日

一作月

彩寒浮埃起四遠遊子彌

一作

速

不歡依然宿扶風沽酒聊自寬寸心亦未理長缺誰

能彈主人就我飲對我還慨歎

一作然

便泣數行淚因歌

行路難十五役邊地

一作城

三回討樓蘭連年不解甲積

日無所餐將軍降匈奴國使沒桑乾去時三十萬獨自

還長安不信沙場苦君看刀箭瘢鄉親悉零落塚墓亦

摧殘仰攀青松枝慟絕傷心肝禽獸悲不去路傍誰忍

看幸逢休明代寰宇靜波瀾老馬思伏櫪長鳴力已殫
少年與運會何事發悲端天子初封禪賢良刷羽翰三
邊悉如此否泰亦須觀

酬鴻臚裴主簿雨後北樓見贈

一作高適詩

暮霞照新晴歸雲猶相逐有懷晨昏暇想見登眺目問
禮侍彤襜題詩訪茅屋高樓多古今陳事滿陵谷地久
微子封臺餘孝王築甍回顧霄漢豁達俯川陸遠水對
孤一作秋城長天向喬木公門何清靜列戟森已肅不歎

攜手稀常思着鞭速終當拂羽翰輕舉隨鴻鵠

送任五之桂林

楚客醉孤舟越水將引棹山為兩鄉別月帶千里貌
羈譴同繒綸僻幽聞虎豹桂林寒色在苦節知所効

山中別龐十

幽娟松篠徑月出寒蟬鳴散髮卧其下誰知孤隱情吟

時白

一作碧

雲合釣

一作酌

處

一作羅

玄潭清瓊樹方杳靄鳳

兮保其貞

留別伊闕張少府郭大都尉

遷客就一醉，主人空金罍。
江湖青山底，欲去仍裴回。
郭侯未相識，策馬伊川來。
把手相勸勉，不應老塵埃。
益陽

逢

一作達

山舊仙館留清才，日晚勸趣別風長雲逐。

一作達

開幸隨板輿遠，負譴何憂哉。
唯有仗忠信，音書報雲雷。

送韋十二兵曹

縣職如長纓，終日檢我身。
平明趨郡府，不得展故人。
故人念江湖，富貴如埃塵。
迹在我府掾，心遊天台春。
獨立

浦邊鶴白雲長相親南風忽至吳分散還入秦寒夜天
光白海淨月色真對坐論歲暮絃悲豈一作歌起無因平生
馳驅分非謂梧酒仁出處兩不合忠貞何由伸看君孤
舟去且欲歌垂綸

東京府縣諸公與綦母潛李頎相送至白馬寺

宿

一作同府縣諸公送綦母潛李頎至白馬寺

鞍馬上東門裴回入孤舟賢豪相追送即櫂千里流赤

岸

一作遠峯

落日在空波微煙收薄宦忘機括醉來即

一作復

淹留月明見古寺林外登高樓南風開長廊夏夜如涼
秋江月照吳縣西歸夢中遊

送東林廉上人歸廬山

石溪流已亂苔徑人漸微日暮東林下山僧還獨歸昔
為廬峰意況與遠公違道性深寂寞世情多是非會尋
名山去豈復望清輝

留別武陵袁丞

皇恩暫遷謫待罪逢知己從此武陵溪孤舟二千里桃

花遺古岼金澗流春水誰識馬將軍忠貞抱生死

別劉諤

天地寒更雨蒼茫楚城陰一尊廣陵酒十載衡陽心倚

仗

一作伏

不可料悲歡豈易尋相逢成遠別後會何如今

身在江海上雲連京國深行當務功業策馬何駸駸

岳陽別李十七越賓

相逢楚水寒舟在洞庭驛具陳江波事不異淪棄跡杉
上秋雨聲悲切蒹葭夕彈琴收餘響來送千里客平明

孤帆心歲晚濟代策時在身未充滿湘不盈畫湖小洲
渚聯澹淡煙景碧魚鰲自有性龜龍無能易譴黜同所
安風土任所適閉門觀玄化攜手遺損益

留別岑參兄弟

江城建業樓山盡滄海頭副職守茲縣東南櫂孤舟長
安故人宅秣馬經前秋便以風雪暮還為縱飲留貂蟬
七葉貴鴻鵠萬里遊何必念鐘鼎所在烹肥牛為君嘯
一曲且莫彈箏篴徒見枯者豔誰言直如鉤岑家雙瓊

樹騰光難為儔誰言青門悲俯期吳山幽日西石門嶠
月吐金陵洲追隨探靈怪豈不驕王侯

送劉春虛歸取宏詞解

太清聞海鶴遊子引鄉眄聲隨羽儀遠勢與歸雲便青
桂春再榮白雲暮來變遷飛在禮儀豈復淚如霰

巴陵別劉處士

一作巴陵劉處士東齊作

劉生隱岳陽心遠洞庭水偃帆入山郭一宿楚雲裏竹
映秋館深月寒江風門一作起煙波桂陽接日夕數千里

娟娟清夜猿孤舟坐如此湘中有來雁雨雪候音旨

宿裴氏山莊

蒼蒼竹林暮吾亦知所投靜坐山齋月清溪聞遠流西

峰下微雨向曉

一作晚

白雲收遂解塵中組終南春可遊

淇上酬薛據兼寄郭微

一作高適詩

自從別京華我心乃蕭索十年守章句萬里空寥落北
上登薊門茫茫見沙漠倚劍對風塵慨然思衛霍拂衣
去燕趙驅馬悵不樂天長滄洲路日暮邯鄲郭酒肆或

淹留漁澤屢棲泊獨行備艱難就辭干鼎鑊皇情念淳
古時俗何浮薄理道須任賢安人在求瘼故交負奇才
逸氣包蹇諤隱軫經濟策縱橫建安作才望忽先鳴風
期無宿諾飄飄勞州縣迫遞限言譖東馳眇貝丘西顧
彌兢畧淇水徒自深浮雲不堪託吾謀適可用天道豈
遠廓不然買山田一身與耕鑿

御定全唐詩卷一百四十

欽定四庫全書

御定全唐詩卷一百四十一

王昌齡

詠史

荷畚至洛陽杖策遊北門天下盡兵甲豺狼滿中原
明夷方遘患顧我徒崩奔自慙菲薄才誤蒙國士恩
位重任亦重時危志彌敦西北未及終東南不可吞
進則耻保躬退乃為觸藩歎息嵩山老而後知其尊

本集詠史
云荷畚至

洛陽胡馬屯北門天下裂其土豺狼滿中原明夷方濟
世斂翼黃埃昏披雲見龍顏始蒙國士恩位重謀亦深
所舉無遺奔長策寄臨終東南不可吞賢智苟
有時貧賤安所論惟然嵩山老而後知我言

雜興

握中銅匕首粉剄楚山鐵義士頻報讎殺人不曾缺可
悲燕丹事終被狼虎滅一舉無兩全荆軻遂為血誠知
匹夫勇何取萬人傑無道吞諸侯坐見九州裂

秋興

日暮西北堂涼風洗脩木著書在南窗門館常肅肅苔

草延古意視聽轉幽獨或問余所營刈黍就寒谷

齋心

女蘿覆石壁溪水幽濛朧紫萑蔓黃花娟娟寒露中朝
飲花上露夜卧松下風雲英化為水光采與我同日月
蕩精魄寥寥天宇一作府空

獨遊

林卧情每一作自閒獨遊景常晏時從灞陵下垂釣往南

澗手携雙鯉魚目送千里雁悟彼飛一作非有適如此罹

憂患放之清冷泉因得省疎慢永懷青岑客廻首白雲

間神超物無違

一作超然
無遺事

豈繫名與宦

香積寺禮拜萬廻平等二聖僧塔

真無御化

一作北

來借

一作昔

有乘化

一作花

歸如彼雙塔內

孰能知是非愚也駭蒼生聖哉為帝師當為時世出不

由天地資萬廻主

一作至

此方平等性無違今我一禮心

億劫同不移肅肅松柏下諸天來有時

就道士問周易叅同契

仙人騎白鹿髮短耳何長時余采菖蒲忽見嵩之陽稽
首求丹經乃出懷中存披讀了不悟歸來問稽康嗟余
無道骨發我入太行

諸官遊招隱寺

山館人已空青蘿換風雨自從永明世月向龍宮吐鑿
井長幽泉白雲今如古應真坐松柏錫杖挂窗戶口云
七十餘能救諸有苦回指巖樹花如聞道場鼓金色身
壞滅真如性無主僚友同一心清光遺誰取

宴南亭

寒江暝村林亭上納鮮潔楚客共閒飲靜坐金管閱酣

竟

一作意

日入山暝來靈歸穴城樓空杳靄猿鳥

一作鳴

備

清切物狀如絲綸上

一作道

心為予決訪君東溪事早晚

樵路絕

一作濶

何九於客舍集

客有住桂陽亦如巢林鳥壘觴且終宴功業曾未了山
月空靈時江明高樓蹕門前泊舟櫂行次入松篠此意

投贈君滄波風

一作空

裊裊

一作娟娟

洛陽尉劉晏與府掾

一作縣

諸公茶集天宮寺岸

道上人房

良友呼我宿月明懸天宮道安風塵外灑掃青林中削
去府縣理豁然神機空自從三湘還始得今夕同舊居
太行北遠官滄溟東各有四方事白雲處處通

觀江淮名勝圖

刻意吟雲山尤知隱淪妙遠公何為者再詣臨海嶠而

我高其風披圖得遺照援毫無逃境遂展千里眺淡掃
荆門煙明標赤城燒青蔥林間嶺隱見淮海徼但指香
爐頂無聞白猿嘯沙門既云滅獨往豈殊調感對懷拂
衣胡寧事漁釣安期始遺舄千古謝榮耀投跡庶可齊
滄浪有孤棹

灞上閒居

鴻都有歸客偃卧滋陽村軒冕無枉顧清川照我門空
林網夕陽寒鳥赴荒一作幽園廓落時得意懷哉莫與言庭

前有孤鶴欲啄常翩翩為我銜素書弔彼顏與原二君
既不朽所以慰其魂

風涼原上作

陰岑宿雲歸煙霧濕松柏風淒日初曉下嶺望川澤遠
山無晦一作遺明秋水千里白佳氣盤未央聖人在凝碧

關門阻天下信是帝王宅海內方晏然廟堂有奇策時
貞守全運罷去遊說客予忝蘭臺人幽尋免貽責

裴六書堂

閑堂閑空陰竹林

一作木

但清響窗下長嘯客區中無遺

想經綸精微言兼濟當獨往

江上聞笛

橫笛怨江月扁舟何處尋聲長楚山外曲繞胡關深相
去萬餘里遙傳此夜心寥寥浦溆寒響盡惟幽林不知
誰家子復奏邯鄲音水客皆擁棹空霜遂盈襟羸馬望
北走遷人悲越吟何當邊草白旌節隴

一作龍

城陰

太湖秋夕

水宿煙雨寒洞庭霜落微月明移舟去夜靜魂夢歸暗
覺海風度蕭蕭聞雁飛

趙十四兄見訪

客來舒長簾開閣延清風但有無絃琴共君盡尊中晚
來常讀易頃者欲一作獨還嵩世事何須道黃精且養蒙

嵇康殊寡識張翰獨知終忽憶鱸魚膾扁舟往江東

過華陰

雲起太華山雲山

一作
山色

互明滅東峰始含景了了見松

雪羈人感幽棲官暎轉奇絕欣然忘所疲永望吟不輟
信宿百餘里出關玩新月何意昨來心一作乍冥冥遇物遂
遷別人生屢如此何以肆愉悅

九江口作

潏潏江勢濶雨開潯陽秋驛門是高岼望盡黃蘆洲水
與五谿合心期萬里遊明時無棄才謫去隨孤舟鷺鳥
立寒木丈夫佩吳鉤何當報君恩却繫單于頭

大梁途中作

怏怏步長道客行渺無端郊原欲下雪天地稜稜寒當
時每酣醉不覺行路難今日無酒錢悽惶向誰歎

途中作

遊人愁歲晏早起遵王畿墜葉吹未曉疎林月微微驚
禽棲不定寒獸相因依歎此霜露下復聞鴻雁飛渺然
江南意惜與中途違羈旅悲壯髮別離念征衣永圖豈
勞止明節期所歸寧厭楚山曲無人長掩扉

山行入涇州

倦此山路長停驂問賓御林巒信回惑

一作垌林
往或回

白日

落何處徒倚望長風滔滔引歸慮微雨隨雲收濛濛傍

山去西臨有邊邑北走盡亭戍涇水橫白煙州城隱寒

樹所嗟異風俗已自少情趣豈伊懷土多

一作戀
懷土

觸目

一作
解物忻所遇

小敷谷龍潭祠作

第十九句
缺一字

崖谷歎疾流地中有雷集百泉勢相蕩巨石皆却立跳

波沸崢嶸深處不可挹昏為蛟龍怒

一作窟

清一作時

見雲

雨入靈怪崇偏祠廢興自茲邑沈淫頃多昧檐宇遂不
葺吾間被明典盛德惟世及生人載山川血食報原隰
豈伊駭微險將以循毗揖 飛振呂梁忠信亦我習波
流浸已廣悔吝在所汲谿水有清源褰裳靡沾濕

段宥廳孤桐

鳳皇所宿處月暎孤桐寒槁葉零落盡空柯蒼翠殘虛
心誰能見直影非無端響發調尚苦清商勞一彈

琴

孤桐秘虛鳴樸素傳幽真髣髴絃指外遂見初古人意
遠風雪苦時來江山一作上春高宴未終曲誰能辨經綸

初日

初日淨金閨先照牀前暖斜光入羅幕稍稍親絲管雲
髮不能梳楊花更吹滿

失題

姦雄乃得志遂使羣心搖赤風蕩中原烈火無遺巢一
人計不用萬里空蕭條

贈宇文中丞

本暢
當詩

僕本獲落人，辱當州郡使。量力頗及早，謝歸今即已。
蕭蕭若凌虛，衿帶頃消靡。車服卒然來，涪陽作遊子。
鬱鬱寡所開，顏默默獨行李。忽逢平生友，一笑方在此。
秋清寧風日，楚思浩雲水。為語弋林者，冥冥鴻遠矣。

筌篴引

盧谿郡南夜泊舟

盧谿在辰州龍標故地，即馬援歌中武溪水所出也。或作瀘溪者，非。

夜

聞雨

一作南

岸羗戎謳其時月黑猿啾啾微雨霑衣令人

愁有一遷客登高樓不言不寐彈箏篴彈作薊門桑一作

葉秋風沙颯颯青塚頭將軍鐵驄汗血流深入匈奴

戰未休黃旗一點兵馬收亂殺胡人積如丘瘡病驅來

配一作役

邊州仍披漠北羔羊裘顏色飢枯掩面羞眼眶

淚滴深兩眸思還本鄉食糞牛欲語不得指咽喉或有

強壯能咿嘍意說被他邊將讎五世屬藩漢主留碧毛

氍毹河曲遊索駝五萬部落稠勅賜飛鳳金兜鍪為君

百戰如過籌靜掃陰山無鳥投家藏鐵券特承優黃金

千一作百斤不稱求九族分離作楚囚深谿寂寞絃苦幽

草木悲感聲颼颼僕本東山

一作山東

為國憂明光殿前論

九疇簾讀兵書盡冥搜為君掌上施權謀洞曉山川無

與儔紫宸詔發遠懷柔搖筆飛霜如奪鉤鬼神不得知

其由憐愛蒼生比蚍蜉

一作綠

河屯兵須漸抽盡遣降

來拜御溝便令海內休戈矛何用班超定遠侯史臣書

之得已不

烏棲曲

白馬逐朱車黃昏入狹邪

一本重狹
邪二字

柳樹烏爭宿爭枝

未得飛上屋東房少婦壻從軍每聽烏啼知夜分

城傍曲

秋風鳴桑條草白狐兔驕邯鄲飲

一作飯
一作飽

來酒未消城

北原平掣皂雕射殺空營兩騰虎迴身却月佩弓弰

行路難

雙絲作綆繫銀瓶百尺寒泉輓轡上懸絲一絕不可望
似妾傾心在君掌人生意氣好遷捐只重狂花不重賢

宴罷調箏奏離鶴迴嬌轉盼泣君前君不見眼前事豈
保須臾心勿異西山日下雨足稀側有浮雲無所寄但
願莫忘前者言劉骨黃塵亦無愧行路難勸君酒莫辭
煩一作勸酒美酒千鍾猶可盡心中片愧一作恨何可論
一聞漢主思故劍使妾長嗟萬古魂

奉贈張荊州

祝融之峯紫雲銜翠如何其雪嶺嵒邑西有路緣石壁
我欲從之卧穹嵌魚有心兮脫網罟江無人兮鳴楓杉

王君飛舄

一作鳥

仍未去蘇軾宅中意遙緘